



Број/Број: 03/1-50-14-7-21/13
Сарајево/Sarajevo, 26. 2. 2013.

PREDMET: Informacija o održanoj Radionici o temi: „Aktivnosti Komisije za provođenje postupka rješavanja višaka pokretne vojne imovine“, Doboј, 5. i 6. 2. 2013.

U organizaciji Zajedničke komisije za odbranu i sigurnost BiH i uz podršku Štaba NATO-a u BiH i Misije OSCE-a u BiH, u Doboju je, 5. i 6. 2. 2013., održana Radionica o temi: „Aktivnosti Komisije za provođenje postupka rješavanja višaka pokretne vojne imovine“.

Iz Zajedničke komisije za odbranu i sigurnost BiH u radu ove radionice učestvovali su: Dušanka Majkić, predsjedavajuća, Nermina Zaimović-Uzunović, Krunoslav Vrdoljak, Beriz Belkić, Borislav Bojić i Mehmed Bradarić, članovi Zajedničke komisije, te Ljiljana Milićević, sekretar, Željko Grubešić, stručni savjetnik, i Jovica Katić, stručni saradnik u Zajedničkoј komisiji za odbranu i sigurnost BiH.

Osim predstavnika Zajedničke komisije, u radu ovog skupa učestvovali su i predstavnici Ministarstva odbrane BiH, Zajedničkog štaba i Operativne komande Oružanih snaga BiH, Vlade Federacije BiH, Vlade Republike Srpske, Štaba NATO-a u BiH, Komande EUFOR-a, Misije OSCE-a u BiH i Ambasade SAD-a u BiH, i to:

- Zekerijah Osmić, Mirko Okolić, Mustafa Sinanović, Zoran Šainović, Ahmet H. Omerović, Miroslav Cabo, Mladen Marinković, Dalibor Perić i Haso Katana - Ministarstvo odbrane BiH,
- Brigadni general Mirko Tepšić, brigadni general Senad Mašović, major Goran Maksimović, major Hamdo Radeljaš, major Duško Amidžić, poručnik Teufik Smailbegović i poručnik Janko Majić - Oružane snage BiH,
- Ismet Briga - Vlada Federacije BiH,
- Duško Četković i Rajko Čkonjević - Vlada Republike Srpske,
- Harald Quiel, Jacques Talarmin, Sergiu Railean, Semin Numić i Marissa Angela Busuttil, Misija OSCE-a u BiH,
- General Walter T. Lord, Lejla Hadžihasanović i Dario Šikuljak, Štab NATO-a Sarajevo,
- Diter Hajdeker i Monika Kaspar, EUFOR,
- Anna Raviolova i Edin Mahmutović, Ambasada SAD-a u BiH.

Tokom održavanja Radionice, učesnicima su prezentirane dosadašnje aktivnosti Komisije za provođenje postupka rješavanja višaka pokretne vojne imovine, kvalitativno i kvantitativno stanje višaka oružja, municije i eksploziva, te proces uništavanja, donacije i prodaje višaka. Predstavnici entitetskih vlada predstavili su svoje stavove u vezi s rješavanjem pitanja navedenih višaka, dok su šefovi privremenih knjigovodstvenih kancelarija dali pregled stanja knjigovodstva nad neperspektivnom imovinom bivših entitetskih vojski. Predstavnici Ministarstva odbrane BiH prezentirali su knjigovodstvo nad perspektivnom vojnom imovinom ovog ministarstva.

Nakon dvodnevnog rada i razmjene informacija, kao i rasprave o aktivnostima na rješavanju višaka pokretne vojne imovine definirane Sporazumom o konačnom raspolaganju svim pravima i obavezama na pokretnoj imovini koja će i dalje služiti za potrebe odbrane, a s ciljem unapređenja procesa rješavanja višaka oružja, municije i eksploziva, Radna grupa, sastavljena od učesnika Radionice je, u skladu s prioritetima navedenim tokom njenog održavanja, definirala prijedlog preporuka, koje se odnose na dalje aktivnosti Komisije za provođenje postupka rješavanja višaka pokretne vojne imovine. Ova komisija je, u skladu s prijedlogom preporuka, obavezana na realizaciju daljnjih aktivnosti u pogledu rješavanja pitanja pokretne vojne imovine, o čemu će informirati Zajedničku komisiju za odbranu i sigurnost BiH.

Sastavni dio ove informacije je Prijedlog preporuka s Radionice o temi: „Aktivnosti Komisije za provođenje postupka rješavanja višaka pokretne vojne imovine“, održane 5. i 6. 2. 2013. u Doboju.

PREDSJEDAVAJUĆA KOMISIJE
Dušanka Majkić

Prilog:

- Prijedlog preporuka s Radionice o temi: „Aktivnosti Komisije za provođenje postupka rješavanja višaka pokretne vojne imovine“, Doboju, 5. i 6. 2013.

Dostavljeno:

- naslovu
- a/a.

**PREPORUKE S RADIONICE O TEMI: „AKTIVNOSTI KOMISIJE ZA
PROVOĐENJE POSTUPKA RJEŠAVANJA VIŠAKA POKRETNE VOJNE IMOVINE“,
održane 5. i 6. 2013. u Doboju**

U organizaciji Zajedničke komisije za odbranu i sigurnost BiH u Doboju je, 5. i 6. 2. 2013., održana Radionica o temi: „Aktivnosti Komisije za provođenje postupka rješavanja višaka pokretne vojne imovine“.

Učesnici Radionice predlažu sljedeće preporuke:

1. S ciljem rješavanja problema vezanih za prodaju pokretne vojne imovine, uključujući i sekundarne sirovine dobivene nakon procesa delaboracije, preporučuje se Komisiji za provođenje postupka rješavanja višaka pokretne vojne imovine da analizira predloženu preporuku i predloži ministru odbrane BiH odluku o prodaji pokretne vojne imovine, prema sljedećem:
 - a. U skladu s čl. 6. i 7. Sporazuma o konačnom raspolaganju svim pravima i obavezama na pokretnoj imovini koja će i dalje služiti za potrebe odbrane (u daljnjem tekstu: Sporazum), Ministarstvo odbrane BiH, kao vlasnik pokretne vojne imovine, u ime države Bosne i Hercegovine i uz saglasnost Predsjedništva BiH, donosi odluku o prodaji pokretne vojne imovine, uključujući i sekundarne sirovine dobivene nakon delaboracije pokretne vojne imovine.
 - b. Odluka Ministarstva odbrane BiH o prodaji sadrži vrstu, količinu i entitetsko porijeklo pokretne vojne imovine.
 - c. Ministar odbrane BiH upućuje zahtjev entitetskim vladama, kao potpisnicama Sporazuma, da imenuju instituciju ili pravno lice koje će u ime i za račun države Bosne i Hercegovine izvršiti predmetnu prodaju na način propisan zakonima BiH i entiteta.
 - d. U obavljanju poslova prodaje, entitetska tijela sarađuju s Ministarstvom odbrane BiH i Oružanim snagama BiH,
 - e. Ministarstvo odbrane BiH i Oružane snage BiH provode tehničke i ostale aktivnosti potrebne za izvršavanje postupka prodaje (čuvanje pokretne vojne imovine, omogućavanje uvida u stanje pokretne vojne imovine, pripremu dokumentacije, pripremu pokretne vojne imovine za transport i isporuku, i sl.).
 - f. Ministarstvo odbrane BiH propisat će kontrolu cijelog procesa prodaje.

- g. Institucije i pravna lica iz tačke c. će dva puta godišnje i po zahtjevu dostavljati Ministarstvu odbrane BiH izvještaje o obavljanju poslova koji su im povjereni.
- h. Prihodi koji se ostvare nakon prodaje pokretne vojne imovine raspodjeljuju se u skladu s članom 7. Sporazuma.

Realiziranjem ovih preporuka bili bi postignuti sljedeći ciljevi:

- Deblokiranje procesa prodaje pokretne vojne imovine, uključujući i sekundarne sirovine dobivene nakon delaboracije,
 - Potvrđivanje vlasništva države Bosne i Hercegovine nad pokretnom vojnom imovinom,
 - Osiguranje zaštite interesa entiteta,
2. S ciljem rješavanja ugovornih obaveza iz člana 11. Sporazuma o konačnom raspolaganju svim pravima i obavezama na pokretnoj imovini koja će i dalje služiti za potrebe odbrane (ugovori prijašnjih entitetskih ministarstava odbrane), zadužuje se Ministarstvo odbrane BiH da u najkraćem roku realizira navedene ugovore u dijelu u kojem oni još nisu realizirani.
 3. U okviru aktivnosti rješavanja višaka oružja, municije i eksploziva, u narednom periodu obavezno osigurati fazu rashodovanja neispravnih sredstava, a u skladu s Pravilnikom o materijalno-finansijskom poslovanju u MOBiH i OSBiH i Uputstvom o knjigovodstvenoj evidenciji u MOBiH i OSBiH.
 4. Osigurati da MOBiH u roku od 30 dana s Ministarstvom finansija i trezora BiH utvrdi dinamiku provođenja modula za upravljanje stalnim sredstvima, sitnim inventarom i zalihama, koji je ugovoren s firmom „Infodom d.o.o.“ iz Zagreba.